

文淵閣

影印

四庫全書

影印

文淵閣四庫全書

第九七四冊

北京出版集團公司
北京出版社

本册目次

山堂肆考(二)

明 彭大翼撰……………一

欽定四庫全書

子部
山堂肆考
總目
卷二

詳校官中書
臣孫溶

主事
臣祁爾士履勘

總校官降調
臣倉聖脉

校對官中書
臣田尹衡

騰錄監生
臣沈怒

欽定四庫全書

子部十一

山堂肆考

類書類

提要

臣等謹案山堂肆考二百二十八卷補遺十

二卷明彭大翼撰大翼字雲舉又字一鶴揚

州人是書萬厯乙未廖自伸序稱其冠軍諸

生者廿有餘年竟不得一登賢書其弟大翹

序則稱其宦游百粵凌儒序亦稱其浩然解

欽定四庫全書

山堂肆考
提要

組杜門海上則又嘗隸仕籍其嘗為何官則

不可得詳矣據卷端凡例是書成於萬厯乙

未浸淫散佚越二十餘年至萬厯己未其孫

壻張幼學乃尋繹舊聞踵事增定遂成完帙

則幼學又有所附益不盡大翼之舊本也

按此序作於乙未己稱幼學增定與凡分宮商

凡例不符疑坊本翻刻訛已為乙凡分宮商

角徵羽五集如趙璘因話錄例然璘書於五

隸宮商二集親屬一門割隸商角二集無所

分別特以紀其部帙如甲稿乙稿之類而已

中分四十五門門又各分子目大致與他類

書相等惟卉原訓草而以草卉標題似乎字

複然考沈約詩有勿言草卉賤幸宅天地中

語則自有出典未可議也又道教神仙分為

二部與他類書亦稍別考漢志道家神仙家

原自分別則亦古義矣所收雖多擬拾羣籍

欽定四庫全書

山堂肆考

不盡採自本書而網羅繁富存之亦足備考

馬乾隆四十六年十月恭校上

總纂官_臣紀昀_臣陸錫熊_臣孫士毅

總校官_臣陸費墀

山堂肆考序

粵自載籍充汗漁獵難窮矜能者食于耳廣采者寤於

餘徵事者屈於寡而宏博之用益迫矣故左史倚相重

楚公孫僑重鄭季子札重吳非重多聞乎哉然汲冢魯

壁僅存煨燼兩漢糴以糠粃唐宋之代苑積絲芥至不

可勝紀子墨客卿往往起田舍不得窺金匱石室之藏

藉令優於力而豫於時即惠子之五車能存在以充後

乘否也由茲以譚而類述者不可少矣顧徐堅述初學

欽定四庫全書

山堂肆考

記弗詳於唐祝穆纂事文類聚多溺于宋白氏六帖記

代無次而海錄野乘蒐輯未徧均不足稱全書邇者海

門彭大夫好古士也幼負穎質博覽自意幽討冥搜不

遺餘力上窺結繩下窮掌故直將探蝌蚪譯侏儒凡柱

下所未藏象罔所未獲微言奇事輒手書赫蹏而貯之

總總林林若看丞在庖狩獵在較大官上林舉納行秘

書腹笥中良工苦心歷三十餘禩止走燕冀南越蒼梧

食以為飽怠以為枕未嘗一日廢卷即浩然解組杜門

海上凡耳之所聞目之所見口之所誦心之所惟無不
類分而臚列之集而成編總之二百四十卷名曰山堂
肆考余讀之未卒業而歎者再夫三垣列宿足以經天
五岳四溟足以紀地假如舉一廢百其如管窺蠡測何
故必鏡兩儀囊萬有義和御而神禹周章亥步而離朱
測然後能窮其厯而盡其凡今是書自十三經二十一
史三墳二酉四部九流以及百家悉囊括刃解蓋觀日
月而蔑衆星陟昆侖而俯瀛海舊籍之陋足可一洗當
與之分路揚鑣等上駟而並駕矣余舊識大夫叔子取
第茲來索言欣得託驥尾以騰於千里故不辭而為之
序云萬厯乙未孟冬望日海陵凌儒謨

原序

一鶴彭先生擢瑯琊之魁壘標淮海之菁英學富青箱
名高珠斗其所著山堂肆考譬之以珊瑚間木難以琳
琅列玉盤流光六虛上揖百代海內才人藉以果枵腹
而吐奇葩如中郎之祕王充威明之珍節信者蓋數十
年於茲莫能尚矣第歲月漸深魯魚幾溷刪訛正舛實
待其人乃先生之孫壻張儀伯太學與余善見余寶愛
是書而重惜其殘缺乃復加校讐疏解與義蒐集散軼

粲然大備於是先生之精神肖貌復躍然於世矣然而
家鮮異書宦無優日苦乏中郎論衡之祕每抱紫陽叅
同之憾廼雲舉卑棲蓬海汎涉藻林礪爾鈇目無孤矯
之幹繳爾絲中必疊雙之獲縱使業謝多識恒因此而
得彼質匪如愚亦聞一以知二誠藝圃之名厨文苑之
捷徑若夫大雅不羣離津而上取材有所匪夷所思擬
議日新是惟智者余舊纂類林十卷傳之海內敝帚久
陳燕石徒襲鏐礫靡論衆寡未璽固遜卿家信古之好

亦附先尼竊比之義耳時萬曆乙未一陽月賜進士及第翰林院修撰秣陵焦竑弱侯父謨

欽定四庫全書

山堂肆考
原序

山堂肆考序

昔南唐馮贇博物嗜古君子也顧數奇阨于科名三十年不得第已乃謝去故業築書室悉取先世所藏書撮其骨髓彙為集貽厥來世庶承學有所考鏡云夫君子不得志于今則欲信之後今既揶揄之矣後謂我何則又欲徵之古其用心良勤且苦矣故虞卿非窮愁不能著書以自見于後世大抵著述皆賢豪發憤之所為作也雲舉彭先生少習舉子業為諸生最著顧冠軍諸生

欽定四庫全書

山堂肆考
序

者廿有餘年竟不獲一登賢書用是意有所鬱結而不得通其道也故敝帚一切博士家言肆力雅道披汲冢之奇文搜石室之祕典繹抽墳史漁獵稗官開卷有得輒手裂赫蹏錄之猶之摘翠于鵲羽而取白于狐腋也攬撫十年尚未脫橐後貯之奚囊宦游西粵又廿年許而聞見益博於是考訂舊輯附益新聞乃得成帙而顛毛已種種矣先生于書無所不讀提要鉤玄至老不倦倘亦馮贇之雅意乎帙既成凡若干卷題曰山堂肆考

將付剞劂氏持以示余屬余序余謝不敏固屬之余乃受而披帙展覽嘆曰博矣哉彙括百家磅礴萬品上自象緯下迄蟲魚紛紛總總網提臚列蒐故實于往牒漱芳潤于羣書彙成大觀遂兼衆妙此書一出真可懸國門信千古又何必俟知已於寥寥而望希音于異世哉書成太學君取第校讐精覈鬱為鉅觀是又見先生之有子而識奇字者世不乏也余瓊海行矣即仲深可作當欣異寶獨念以先生之固讓微不佞屢請世將無從窺惟

中之秘而數千百年之貫珠合璧且終隱而不耀雖然是有必有造物主之余亦安得為贅編也美言可以市其傳必矣或曰丈夫不能雲蒸龍變而思表文采于後世當舒其憤懣自成一家言精光焯燦便足千載矣奚蠹魚陳編而掇拾之為余應之曰唯唯否否夫言非必其自己出也化工造物何臭腐之非神奇矧審于一技察于一辭可以曲說而未可廣應也故成一家之言易垂訓功曷易茂焉語云受光于隙照一隅受光于牖照北壁

受光于戶照室中無遺物況受光于宇宙乎先生所受者大故所照者博其儲材也富宜其取精也多彼學一先生之言則暖暖姝姝而私自說也者是蜩與鶯鳩同于同也烏足以語於大方萬歷乙未季秋之吉文林郎知海門縣事黃岡廖自伸伯常父譔

山堂肆考序

昔王通氏曰儲書萬卷不如著書一編嗟夫書豈易著哉學不博則其說也不詳心不虛則其受也不廣見不定則其擇也不精惠子五車郝侯萬軸謂其充棟汗牛則可耳即謂其有裨實用能乎哉余伯兄一鶴翁結髮專經長耽竹素賓薦之後厭薄經生術業棄去弗事盡發家塾所藏子史百家諸書尋繹舊聞爬搜新得作為山堂肆考凡如千卷朝宵披誦以自適其適宦遊百粵

欽定四庫全書

山堂肆考
序

嘗命侍子納之行李雅為方內名家所鑑賞幾欲付之雕坊未暇也頃者轉官霑益拂袖言歸齒髮已秋而嗜學無倦腹笥愈盈而收采日富間嘗示余命為之序且命無督言焉余手兄是集上自天文節序下迨地志山經巨之而人才政治禮樂文章纖之而方技九流飛走草木遠之而義昊黃唐近之而宋元遼金其間微言碎事一班寸簡與夫滑稽俳調之語述異志怪之書罔不眎列門分靡有遺逸究其旨歸無非所以闡發幽秘解

釋顯蒙以維持世教昭示勸懲得風人之義焉且也比

屬有倫偶對中律渾然天成絕不見斧鑿剪裁之迹譬之聆鈞天承雲而音響殊調觀青萍結綠而榮光射人韻人墨士得之足以助豪吟學士大夫得之足以贊鴻筆經世術者得之足以佐皇猷談性命者得之足以臻理窟所謂墨莊詩窖學海文藪宜其然乎我聞之曰作博物志者揚芬於晉庭識受命符者流光於宋史吾兄平生名閥固不敢與茂光伯時二公較等埒而其所稱

欽定四庫全書

山堂肆考
序

該洽則固探九丘而窮八索倒三峽而動六丁矣假饒方艾之年遭逢知己相為引重以大罄厥抱何必不為石渠天祿中人耶余也樗櫟下材謬博一第自愧口耳之學不足以美七尺軀勉欲窺兄萬一邈不可得第念童幼時肩隨吾兄挹兄殘膏賸馥以自潤者今已白首矣是以不辭繩甕而漫為之跋且以表吾兄非書淫傳癖者比也弟大翺撰

小記

太嶽彭先生少嗜博綜壯多制作即驅車遊宦解綬歸田或出或處皆諷頌之林以風以雨成搜羅之候以故緒至繁而成統物無一而不該累歲窮年始竣斯集然編纂雖勤校讐未力夢楹既遠觸佩逾踈每手斯篇不勝喟嘆乃句章馮重夫先生雅好其書每曰希世之珍非一隅之玩鸞龍之采豈與突之觀彭先生研精畢世極力斯編而藏不出絨縑施不越里閭是必如三十世

欽定四庫全書

山堂肆考
小記

初行左傳五百歲始知子雲乃憮於贖贖者哉古人云或藏之名山或傳之通邑大都皆後死者之責也子與其三薰而十襲之曷如就金陵訂正修全今不徑走四裔而若楊子幼之為太史公闡繹者乎且子既亟亟為茂秦表章而況先生托在戚懿死而有知其屬望於子又當何如邪予有感於重夫先生之言又實於先生有肺腑之義於是力荷補修務期完善遂邀伯馨伯韶諸內兄拮据數月始睹成事於以見彭氏子之多賢而併

紀重夫先生贊成之力不淺也如曰懷古之情有生同抱憐才之感賢豪特深則高山景行俟諸同好而小子不敏何足以當之時萬厯己未上元日孫壻張幼學頓首手記於因篤樓

欽定四庫全書

山堂肆考
小記

山堂肆考

凡例

一是書成於萬厯乙未冬一鶴彭太嶽以著述聞蓋二十年於茲矣厥後浸淫散佚越在己未學迺尋繹舊聞踵事增定遂成完帙一時博物君子爭傳覽焉亦是書中興之會也

一叅較姓氏先輩名人為多近復歷訪當代名公巨卿再經訂定刪訛正舛殊不可易故書地書氏書名備

欽定四庫全書

山堂肆考
凡例

陳於左實欲藉是以不朽云

一分宮商角徵羽五集因舊制也上而天時地理之全下及羽毛鱗甲之屬合二百四十卷舊分八十冊每套以金石絲竹匏土革木編記卷帙頗繁未便翻閱今除之凡以六十冊為率

一邇來書賈射利窺書業有成價私將卷末裁割十存八九散亂溷雜比年為甚更有無藉之徒改頭換面併序目亦半存者學甚痛之茲後并書林嚴懲此弊

重加增定一篇不遺一篇不混識者鑒之

欽定四庫全書

山堂肆考
凡例

參定姓氏

秣陵焦弱侯 竑 溫陵杜可大 業

清漳黃元祗 曰謹 海陵凌海樓 儒

雲間張君一 以誠 麻城王元禎 兆雲

溫陵潘士鼎 洙 黃岡廖伯常 自伸

古揚王聖俞 納諫 古揚成 憲

蒼梧陳惟志 懋功 豫章熊憲祥 瑞

靳江伍以大 可受

欽定四庫全書

山堂肆考
姓氏

重訂姓氏

四明馮重夫 任 古揚范異羽 鳳翼

城固謝午雲 宸 蜀郡周了十 長應

古揚張完樸 元芳 中州侯晉明 安國

崇邑潘平之 世奇 四明馮弓閭 起綸

崇川顧珠岩 國寶 勾章馮留仙 元颺

西吳嚴琢庵 爾珪 古越陳昭華 祖訓

勾章馮鄴仙 元颺 豫章鍾履旋 必顯

四明馮豹韋 即登 崇川潘仲和 允諧

秣陵劉石鍾 旋 崇川姜觀若 玉菓

四明馮子房 信 四明馮仲完 象堅

勾章劉瑞將 應宿

孫壻成石生 友謙 成于昂 東暘

甥 朱克生 名世

弟 大翔 大同 大化

男 取友 取士 取英 取志 取第

欽定四庫全書

山堂肆考
姓氏

侄 取采 取象

孫 兆熊 兆蘭 兆鳳 兆行 兆辰

兆斗 兆箕 兆俊 兆卜 兆秋

兆振 兆錄 兆旂 兆康 兆典

孫壻張儀伯 幼學

外曾孫張映漢 映薇 映奎

映泗 映颺 映歲

山堂肆考總目

宮集

天文六卷

時令八卷

地理十七卷

君道六卷

帝屬四卷

臣職七卷

商集

臣職三十一卷

仕進三卷

科第三卷

學校一卷

欽定四庫全書

山堂肆考
總目

政事四卷

親屬六卷

角集

親屬四卷

人品十二卷

形貌二卷

性行六卷

文學十二卷

字學一卷

謚法二卷

人事六卷

誕育二卷

民業一卷

徵集

釋教三卷

道教一卷

神祇一卷

僊教一卷

鬼怪一卷

曲禮七卷

音樂五卷

技藝六卷

宮室五卷

器用九卷

珍寶三卷

幣帛一卷

衣服三卷

飲食二卷

羽集

欽定四庫全書

山堂肆考
總目

飲食二卷

百穀一卷

蔬菜一卷

花品五卷

草卉二卷

果品五卷

樹木二卷

羽蟲六卷

毛蟲六卷

鱗蟲二卷

甲蟲一卷

昆蟲三卷

補遺十二卷

天文

天

天河

日
附日蝕

月
附月蝕

星

風

雨
附早

霜

雪

露

霧

雲

雷

電

霞

虹蜺

雹

時令

歲
附月

日
附時

朔晦

弦望

閏

五行

陰陽

立春

春

正月

元日

人日

元宵

二月

春分

社日

三月

寒食

上巳

清明

立夏

夏

四月

五月

端午

夏至

六月

伏日

立秋

秋

七月

七夕

中元

八月

秋分
附社日

中秋

九月

重陽

立冬

冬

十月

下元

十一月

冬至

十二月

臘日
附增

除夕

地理

地

山
上中下

泰山

華

嵩高山

衡山

常山

石

海

江

河

淮

濟

漢

洛

渭

涇

湖

水

泉

潮

冰

火

池

洲 溪 井

洞 谷 村

莊 苑附園 園附園

市 橋梁 鄉里

比隣 牆 壁

城郭 邊塞 關隘

墳墓 碑

君道

欽定四庫全書

山堂肆考
總目

帝都 帝符 登極

改元 聖誕 聖壽

聖德 聖孝 聖製

聖翰 聖學 聖治

敬天 法祖 求賢

仁民 節用 勤政

納諫 詔令 赦宥

耕藉 巡狩 馭夷

官制 興衛 賞賜

帝屬

太上皇 皇太后 皇后

妃 皇太子 太子妃

公主 親王 宮嬪

宗室 外戚 駙馬

臣職

三公 三孤 丞相

欽定四庫全書

山堂肆考
總目

叅知政事 中書令 中書舍人

樞密院 總尚書附令僕 總侍郎

總郎中員外郎 吏部尚書

吏部侍郎 附員外 司封郎中 附員外

司勲郎中 附員外 考功郎中 附員外 戶部尚書

戶部侍郎 附員外 度支郎中 附員外 金部郎中

倉部郎中

欽定四庫全書

山堂肆考卷一

明彭大翼撰

天文

天

河圖括地象易有大極是生兩儀兩儀未分其氣混沌清濁既分伏者為天偃者為地爾雅春為蒼天夏為昊天秋為旻天冬為上天於春言色於夏言氣於秋言情於冬言位相備也楚辭注云東方皞天東南

欽定四庫全書

山堂肆考
卷一

方陽天南方赤天西南方朱天西方成天西北方幽天北方玄天東北方變天中央鈞天是為九天亦名九野史又有六天欲界十二天界十四天界之說

垂象

易繫辭天垂象見吉凶聖人則之

依形

邵康節曰天何依依於形地何附附於天

益謙

易謙卦天道虧盈而益謙地道變盈而流謙人道惡盈而好謙

助順

易繫辭天之所助者順也人之所助者信也

羣物之祖

董仲舒曰天者羣物之祖故徧覆包含而無所殊建日月風雨以和之經陰陽寒暑以成之

羣陽之精

欽定四庫全書

山堂肆考
卷一

春秋說題辭天者羣陽之精合為太乙分為殊名

冒笠

虞曷穹天論天形穹窿如笠而冒地之表浮元氣之上譬覆盞以抑水而不流者氣充其中也

張弓

老子曰天之道其猶張弓乎高者抑之下者舉之有餘者損之不足者補之

運轂

渾天儀天大地小表裏有水地乘氣而立載水而浮天運如車轂之運

覆盆

王充論衡天平與地無異如覆盆之狀

如蟻行磨

晉天文志天圓如倚蓋地方如棋局天旁轉半在地上半在地下日月本東行而天西旋入於海牽之以西如

蟻行磨上磨左旋蟻右行磨疾蟻遲不得不西又按天

欽定四庫全書

山堂肆考
卷一

三

地皆氣水也蓋水載地而天包水氣又承天是天地外皆水而水之下乃氣故日月星辰所以能從地下運行而出沒也浮則為氣沉則為水天以氣言故無窮地以形言故有盡

如卵繞黃

渾天儀天形如彈丸地在天中天包地外如鷄卵白之

繞黃

女媧補天

外紀諸侯共工氏與顓頊氏爭為帝不勝而怒乃頭觸不周山崩天柱折地維缺女媧氏鍊五色石以補天缺斷鰲足以立四極此共工名康回離騷天問篇所謂康回憑怒地何故以東南傾是也非堯時之共工也女媧氏與伏羲同母生而神靈佐太昊正婚姻以重萬民之判是為神媒

正重司天

史記顓頊高陽氏命南正重司天以屬神北正黎司地

欽定四庫全書

山堂肆考
卷一

四

以屬民

穆子夢壓

左昭四年初穆子去叔孫氏適齊娶於國氏生孟丙仲壬夢天壓已弗勝顧而見之黑而上僂深目而顴喙號之曰牛助余乃勝之

鄧后夢捫

東漢書和熹鄧皇后嘗夢捫天天體蕩蕩正青滑如饅餬又如鍾乳狀乃仰嗽飲之以訊諸占夢言堯夢攀天